

四庫全書

史部

欽定四庫全書

寶慶四明志卷五

宋 羅濬 撰

郡志五

敘賦上

明州在唐歲貢猶及淡菜蚶蛤之屬自海抵京師  
道役凡四十三萬人孔殫元稹相繼奏罷之錢氏  
奄有吳越內事奢侈外事貢獻下至雞魚卵殼必

家至而戶取鞭笞日繁民不堪命皇朝盡削錢氏  
白配之目官賦頓輕而身丁錢猶未悉除考覈戶  
口莫盛於天禧少耗於元豐而復盛於乾道開禧  
盡蠲身丁錢戶口益滋而考覈不必詳矣雖然所  
蠲之細未救所斂之多夫豈得已者以古會稽三  
縣之地為今大藩量入為出亦既憂憂支移折變  
之法經畫措置之方官與民必相體其庶幾乎

戶口

太宗皇帝朝

主一萬八百七十八戶

客一萬六千八百三戶

天禧中

主總一十萬四千七百二十五戶計二十五萬六千五百七十六口

客總三萬一千三百四十七戶計七萬四千四百一十三口

元豐中

主五萬七千八百七十四戶

客五萬七千三百三十四戶

政和六年

主總九萬四千五百七十四戶計二十一萬三千七百

九十一口

客總二萬九千一百一十八戶計五萬一千七百五

十四口

乾道四年

主一十萬四千七百二十五戶計二十五萬六千五

百七十六口

客三萬一千三百四十七戶計七萬四千四百一十

三口

夏稅

正稅

咸平三年戶部計度合支殿前諸軍及府界諸色人春冬衣用絹綿純布數百萬匹兩始牒諸路轉

運司據轄下州軍出產物帛等處就近計度於夏秋稅錢物力科折準備輦運上京自此始以夏秋合納

錢米利折絹綿數  
目并於夏稅送納

絹二萬七千三百六十四丈九尺三寸九分九釐

綿六千九百七十七匹二丈六寸六分八釐

綿一十三萬七千九百四十三兩七錢四分一釐

和買

太中祥符三年河北運使李士衡言本路歲給諸軍帛十萬民間罕有緡錢常豫假於豪民出倍

稱之息及期輸賦之外先償逋負以是工機之利愈薄請令有司豫給帛錢俾及時輸送則民獲利而官亦足用從之仍令優給其直大槩出產細絹州軍蠶熟絲賤細絹貨費不行民間困乏每於歲首先出官錢貸借民戶候蠶熟收細絹王旭行之潁州李士衡行之陝西二方既以為利遂推行之天下此所以謂

之和買也天聖二年詔今後豫支紬絹錢並取人戶  
情願其不出產州軍不得一例抑配是時兩浙惟溫  
州以非土產不曾拋降越州諸縣爭認多數惟嵎縣  
知縣以官與民市久必為害獨不肯承民皆怨之其  
後國家用度寢廣和買更不給錢而輸官者並照舊  
額温州嵎縣獨免明州納絹之額則加於正稅者半  
矣

絹三萬五百六匹

紬九千九百匹

舊志成於乾道五年載正稅絹八千二百九匹和  
買絹二萬二千四百二十七匹認發臨安府和買



絹八千七十九匹准衣絹二千七百匹總為絹四萬一千四百一十五匹正稅紬四百二十二匹和買紬九千九百匹准衣紬三千三百匹總為紬一萬三千六百二十二匹正稅綿一十一萬兩今以准衣及認發臨安府和買通在數內為絹五萬七千八百六十六匹二丈九尺三寸九分九釐紬一萬六千八百七十七匹二丈六寸六分八釐綿一十三萬七千九百四十三兩七錢四分一釐加於

舊者多矣

折變

初以夏秋稅錢科折紬絹綿又以紬絹綿折納錢謂之折帛錢或折納麥價直分數增減不常亭戶以二稅之地煎鹽則有折鹽麥帛亦有折糯夫是之謂折變

折帛錢

正稅絹三千二百七十三匹每匹折錢七貫文計  
二萬二千九百一十一貫文

紬二千九百七十八匹每匹折錢七貫文計二萬  
八百四十六貫文

綿五萬五千兩每兩折錢四百文計二萬二千貫  
文

和買絹九千一百五十二匹每匹折錢六貫五百文  
計五萬九千四百八十八貫文

紬七千九百二十四匹每匹折錢六貫五百文計五  
萬一千四百八十貫文

折麥

元額於上三等戶科出絹八百四十二匹二丈  
一尺一寸紬二百七十八匹一丈六尺七寸綿

六千一百六十四兩一錢七分一釐折納正義小  
麥五千二百九十碩八斗四升六合六勺六抄嘉

定十四年二月十一日承轉運司牒承尚書省  
劄子備下臣僚奏請將兩浙州軍合納麥糯各減  
十分之二寶慶元年十二月又準省劄行下臣僚  
奏乞將麥糯再減半科折尋申省部併前數通行  
減半

絹四百二十一匹一丈五寸五分

紬一百三十九匹八尺三寸五分

綿三千八十二兩八分五釐

以上三項通折

正麥二千四百四碩九斗三升三勺

內出詔免  
敷史丞相

府及餘府第五百二十二碩六斗二升四合四抄實收正麥一千八百八十二石三斗六合二

勺六抄

義倉麥二百四十碩四斗九升三合三抄

亭戶折鹽

係通判西廳  
催解轉運司

絹五百六十一匹一丈三尺五分五釐

紬一百七十九匹三丈四尺一寸三分

綿三千一百六十七兩二錢九分二釐

蠲免定海縣

絹一百六匹

淳熙十年七月初四日準轉運司牒準尚書省劄子兩浙轉運司狀明州定海

縣清泉鄉民貧稅重昨來本州據本縣知縣報乞將清泉鄉第四等第五等二稅量減內有夏稅絹

一百六匹係是上供之數六月十九日三省同奉聖旨可將合發上供絹一百六匹特與蠲免

實催本色

絹四萬四千三百五十三匹五尺九寸九分四釐又

係昌國縣續增圍田及餘縣虧絀增絹之數計增二

十六匹八尺四寸七分八釐今實催四萬四千三百

七十九匹一丈四尺二寸七分二釐

內出豁事故絹一千六百五十

紬五千六百六十四匹二丈六尺一寸八分八釐虧一  
匹七尺八寸三分八釐入絹額今實催五千六百五  
十九匹一丈八尺三寸五分

綿七萬六千六百九十三兩五錢九分九釐

一秋稅

苗米正額一十一萬二千六百九十七碩三斗二升三

合七勺

元額一十一萬二千六百四十一碩二斗二升二合七勺續添昌國縣新收人戶園田米

五十  
六碩

### 折變

糯九千五百四十八碩二斗四升八合折除苗米九

千七百一十二碩八斗七升三合

元額一萬九千九十六碩四斗九升

六合嘉定十四年指揮減二分寶慶元年十二月指揮又減三分通減一半定今額內又出豁免數史丞相府諸府第糯米一千九百三十二碩四升二合止收七千六百一十六碩二斗六合

亭戶折鹽二千五百九十八碩一斗九升二合

元籍二千

四百九十一碩四升九合三勺係通判西廳拘催折錢起解轉運司寶慶元年會計拘催起解數各縣續



增亭戶米一百七碩  
一斗四升二合七勺

實催本色一十萬五百五十碩八斗八升三合七勺

內

除諸縣事故米二千五百三十五碩止收  
九萬八千一十五碩八斗八升三合七勺

酒

糟醋  
附

國初有都酒務官既自權亦許民般酤又募民能  
分其利即官給要契許酤於二十里外而歲輸其  
直今坊場課利錢是也時酒課盡入係省州用仰  
足於此慶歷二年祠部員外郎王琪請增酒價以

其錢起發上供利端始開熙寧元豐以後買撲名  
錢入於常平酒價荐增又悉椿管州益苦匱乃增  
收買撲淨利錢而諸庫並復設明州祖額在城及  
奉化慈溪定海小溪五務歲為錢止八萬三千一  
百五十四貫而已熙寧十年祖額之外買撲錢又  
計二萬五千四百七十九貫有奇紹興元年創比  
較務六年創戶部贍軍庫展轉增價曩由漕司椿  
管移用者盡入經總制司而其它分隸名色益多

凡賣到錢例留五分有奇循環充本四分有奇分  
隸諸司今分隸既多留本率不及四分之餘又  
有贍軍起發七分酒息錢酒之餘又有糟醪錢取  
糟醪醋則納糟本錢而又納醋息錢此邦糴買視  
它州獨貴儻善措置歲收本錢已幸否則併與本  
錢失之惟分隸起發之額不可虧爾

都酒比較贍軍三省務

內省務三外省務四則例每賣到一百貫本府收三十九貫六

百四十二文本柄在內其餘分隸經總制司四十二貫三百九十四文糴本司一十五貫一百八十二文

移用司二貫七  
百八十二文

本柄錢五萬八千四十貫八百九十八文

逐年米麥  
豆細價錢

不等今以寶慶  
三年價數計之

糯米九千六百八十五碩三斗六升五合每碩錢

三貫九百九十文計三萬八千六百四十四貫六

百七文

麩麥二千二百八十八碩三斗九升八合七勺每

碩三貫六百文計八千二百三十八貫二百三十

六文

夫食物料等錢一萬一千一百五十八貫五十五

文

造麩七百三十九貫九十文

造生煮酒六千七百九十五貫九百五十文

袋紬一百五匹每匹四貫文計四百二十貫文

箍缸打竈二百貫文

官吏茶湯賃屋夫直年計放刀品嘗饒賞糜費

酒樣輕空滲漏監官般家從物等三千三貫一

十五文

收息錢六萬二千九貫六百九文

諸司六萬四百六十二貫二百三十二文

本府一千五百四十七貫三百七十七文

歲於分隸諸司

外又有起發七分酒息錢一萬五千三百九十六貫一百八十五文赴戶部封樁庫而監官俸給又不與馬則本柄錢未有不虧者也

糟錢

熙寧六年七月諸酒務新收五分糟錢并出賣糟水錢之類不係省額錢並依量添酒錢法令

提舉常平司拘管應副本務內諸般支用政和四年四月勅州縣見賣糟醇每斤只計一文三分或一文五分今每斤添作三文足每十斤仍加耗二斤除舊額錢係提舉司分撥外其所添錢專充直達綱支費宣和四年經制司措置官監酒務見賣糟價錢每斤添二文足應副移用靖康元年罷建炎二年十一月指揮酒務昨行經制量添費糟錢依舊拘收令糟醇錢充公用外於醋息錢內併撥分隸諸司錢

### 醋息錢

開寶六年酒務糟醇除係人戶及公使庫買撲外如無人買撲官自造醋酤賣熙寧六年

司農奏應官監醋務如公使庫願認納課利造醋沽費收錢貼助公使庫者聽政和二年臣僚言諸州公庫元豐以來除管納轉運司錢外所收息錢即別無立額之法益以歲賜遺利既有定數則於

此猶加優假乃可使之應副支費近因貪吏作過始立定額然外郡公帑緣此用度不足未免積壓俸給拖欠行戶錢物為弊尤甚欲望許依元豐舊制更不立額從之紹興令諸州公使庫賣醋息及糟麩蘗生畜產價錢謂非抑配出賣者聽歲額外支用舊例於都酒務撥糟醇造醋納糟本錢充經制直達二窠名其餘息錢歸公使庫今東西二醋庫納公使庫錢外以糟醇醋息錢併計之日共給經制錢一貫二百文糶本司錢八百文移用司錢六百文

### 慈溪奉化小溪三務隸省場

本柄錢一萬三千一百七十二貫七百六十七文

以實

慶三年  
為準



糯米二千三十五碩二斗三升每碩價錢三貫九百九十文計八千一百二十貫五百六十八文

麩麥四百八十五碩四斗四升六合五勺每碩價錢三貫六百文計一千七百四十七貫六百七文  
夫食物料錢三千三百一貫二百五十八文

造麩一百四十貫一文

造生煮酒一千五百二十五貫九百八十七文  
袋紬二十六匹四丈一尺每匹價錢四貫文計

錢一百七貫四百一十四文

籩缸打竈四百三貫五百二十七文

官吏巡脚夫食糜費輕空滲漏一千一百二十七貫六百六十三文

收息錢一萬六千四百七十貫二百九十九文

諸司一萬八千六百五十五貫五百六十文

本府虧本柄錢二千一百八十五貫二百六十一

文填納諸司

外有起發七分酒息錢總數見內  
省務注而監官俸給又不與焉

生煮酒糟四百四十一貫一百二十四文

經總制司一百一十貫二百五十八文

移用司五十三貫五百一十六文

本府二百八十六貫三百五十文

定海務隸省場

水軍庫抱認淨息一萬九千三百一十貫文

元係省務差官

監當支降本柄造賣繼因本縣屯駐水軍置立摛賞酒庫攬奪謀利嗣秀玉前守郡日申明朝廷省罷官監併令水軍承抱歲納淨息二萬四千四百一十七貫五百八十文其後趨辦不敷紹興二年

水軍中乞減價賣酒  
裁定今額均月解納

諸司一萬四千六百八十三貫四百七十六文

本府四千六百三十一貫九百八十八文

林村下莊象山三務隸糴買場

元係民戶買撲紹興間  
榜賣無人入價本州中

明朝廷自行承抱  
省部續差官監當

本柄錢一萬六千二百二十二貫五百五文

以寶慶  
三年為

半

糯米三千一十二碩二斗二升三合二勺每碩價

錢三貫九百九十文計九千八百七十五貫五百三十文

麩麥五百九十七碩四斗二升四合八勺每碩價錢三貫六百文計二千一百五十貫七百二十九文

夫食物料四千一百九十六貫二百四十六文  
造麩一百五十九貫七百八十七文

造生煮酒一千六百八十七貫八百一十八文

袋紬三十四匹九尺每匹價錢四貫計一百三十六貫七百四十八文

種缸打竈三百六十七貫三百二十九文

官吏巡脚夫食糜費輕空滲漏一千八百四十四貫五百六十四文

收息錢一萬六千三百七貫九百四文

諸司九千二百二十三貫八百六文

經總制司一千七百六十

一貫一百八十六文內藏正名及七分寬剩四千一百三十八貫七百八十一文五分淨利二百二

十四貫四百九十三文雜本一千一百三十八貫八百四十文移用一百六十貫五百六文

本府七千八十四貫九十九文

三務內象山一務元係截撥糯米與

夫食物料糜費等貴納淨息本柄少而息多故總而計之其息優於省務除通判聽收諸司錢外三務又納本府糟錢六百三十九貫七百三十二文本府實計歲收錢七千七百二十三貫八百三十

一文

諸縣人戶買撲坊場錢三萬一千五百七十一貫九百

六十五文

常平司二萬五千九百一十六貫一百四十九文

本府五千六百五十五貫八百十六文

外有鄞縣北渡店元係小

溪子店歲納本府錢三百三十六貫文不在此數

奉化定海象山三縣醋息錢一千二百貫文

隸公使庫

香泉庫

人戶抱認淨息錢六萬九千貫文

乾道二年守張津措置於城外創庫

官給本柄造酒差使臣一員監賣應副細民酷飲不許入城攪奪省課歲收息錢添助官兵俸料支遣無分隸諸司繼而得不償費改差人吏管幹以淳熙十二年最高錢額計拘起息錢六萬二千八百二十六貫二十四文省續又酷賣不行遂令人戶抵產立息承抱歲納淨息錢四萬餘貫嘉定五



年承抱人張良卿等以低價行使官會違背指揮籍沒家產復從官酷次年提刑程覃來攝郡事分差吏人管幹於時所籍之資已厚酒具色色仰成程又刷諸庫羨餘以附益之酒課頓增歲收息錢七萬二千緡八年遂中朝省專一存留七萬緡在庫循環充本大率給米麩本錢五千則責息三千循習既久執為定例有司惟知歲收息錢七萬二千緡而不知吏輩發賣不行暗折本錢十餘年來公私交以為病且所差之吏不立界限甲敗則使乙承之乙敗則使丙承之於是闔府之吏半為縲囚而所謂七萬緡本錢者已虧其半矣寶慶二年春守胡桀視事僚屬上下首言其弊乃為斟酌減息錢一分如本錢五千止責息二千所差管幹吏人以半年為界吏雖樂其寬而半年之間收息錢及數其本錢仍虧僚屬乃入劄獻計謂官酷取贏終不若民自為之之便羅買制造因時視宜里社通

融為費已約一也。執役者非其子弟，即其僕廝，無傭賃之費。二也。家人婦子更相檢柅，無耗蠹之姦。三也。工精業熟，醒造得法，費省而味勝。四也。洞達人情，諳知風土，發賣亦易。五也。委官吏則一切反。是胡公既熟究弊源，次年冬乃下令聽人戶承抱。減舊息額三千緡，舊納息以錢一分，會子三分。今又計以錢會中半入納，貸之本錢二萬緡，仍以元酒具渥舍盡給之。期暮年悉償本錢，不再給而息必按月而輸公私兩便。實經久可行之法。

西門庫一萬四千七百四十一貫六百三十三文  
江東庫一萬一千三百八十七貫三百三十三文  
鹽倉門庫九千五百五十六貫三百三十三文

東渡門庫八千一十三貫一百三十三文

鄞江門庫七千四百三十五貫二百六十八文

南門庫七千四百三十五貫二百六十八文

新門庫六千九百五貫文

北門庫三千五百二十六貫三十二文

慈福庫

在府禁界內慈福寺前元賣省務酒日納見錢三貫省乾道三年下莊酒務借撥地界賣本務

酒續有人戶陳皋等陳乞承抱一界三年日納錢八百文紹興三年復歸省務後緣江東香泉酒庫連界就勒江東管庫人翟寅承抱日納息錢三貫省不理為香泉課額亦不理為省務課額周璿替翟寅依舊

承抱嘉定五年周璿因行使官會違拜提指揮籍沒家財本府差官監管江東庫其慈福庫係進士陳銖承抱日納息錢三貫五百省六年人戶盧煥王永年顧鑄陸至陳至周廣滕祖柳淵程清九名連狀承抱日納四貫五百文省錢會各半給厯與鄞縣尉催納十二年轉運司備據夏尚忠狀元保任程清等分抱慈福庫酷賣不行乞減價錢與減免五百文日以四貫錢會為額

### 醕酒庫

初於端平三年制帥大卿趙與憲任內都庫在府東門舊叅議衙西庫在紅蓮閣徙河利橋給

本錢一十萬日收息錢七分半留本庫用備糶買二分半入府庫用助郡計淳祐元年制帥大資余天錫合兩庫為一增留本錢二十萬日拘息錢四千貫四年八月制帥殿撰趙綸再令組算增留本錢三十萬逐日免發本錢止收息錢一千五百貫會十七界內見錢二十八貫足抵四百貫五年九月制帥集撰顏

公頤仲究弊更式將所收錢除一千五百貫解府充  
息三十貫貼換見錢外餘不問多寡封留府庫俟糴  
買粟支仍委提督官司  
戶黃縉判定式載於石

商稅

並以寶慶元年為準

歲有豐歉物有盛衰出其途者有衆寡故征歛亦  
有盈縮慶元司征尤視海舶之至否稅額不可豫  
定姑以中數記之放免解魚蚶蛤鰕等及本府所

產生果蘿蔔芋子稅錢因依附見於下

嘉定六年六月六日

尚書省劄子浙東提刑兼權慶元府程覃中照對  
被旨暫攝郡事凡有民瘼靡不究心竊見慶元府

乃瀕海之地田業既少往往以興販鮮魚為生城市小民以挑賣生果度日理宜優恤已出榜市曹闕津曉示除淹鹽魚鰕等及外處所販相橘椒櫬之屬收稅外所有鮮魚蚶蛤鰕等及本府所產生果悉免本府在城收稅其諸司合分隸錢以嘉定五年一全年收數約計六千餘貫錢會照則例分撥諸司合得三千貫今來除放前項六千餘貫外又別自措置三千貫先次分隸諸司一年合得錢數訖仍預椿六千餘貫充嘉定七年八年分撥之數所有嘉定九年以後上項稅錢乞將本府見管城外香泉酒庫每日所收息錢日撥會子椿辦將來分隸諸司照得上項錢係是錢會中半分隸所屬欲乞朝廷劄下本府全用會子偃還諸司所有外邑合經由收稅去處並不在今來在城市所放之數伏望劄下本府永久為例右已批送戶部從所申事理施行仍行下諸司照會外今劄付慶元

府照會準此自是稅額不登吏猶求贏於籬蒿芋子等類歲收稅錢二百九十五貫文並緣為姦者擾民太甚尚書胡榘守郡寶慶二年九月鏤榜曉諭悉行除免其合納諸司額並以本府錢撥填

分隸則例

商稅錢一百貫文

本府共得四十八貫四百六十二文

諸司共得五十一貫五百三十八文

正錢七十六貫九百二十三文

一分錢七貫六百九十二文歸總制司

九分錢六十九貫二百三十一文又十分之

六分四十一貫五百三十九文歸係省

四分二十七貫六百九十二文歸糴本司

增收二十三貫七十七文

三分六貫九百二十三文歸軍期

七分一十六貫一百五十四文歸總制司

頭子錢五貫六百文

諸司五貫四百五文



經制二貫八百五文

總制二貫文

移用司五百五十文

提刑司公使五十文

本府公使一百九十五文

都稅院額三萬五千六百六十二貫四百七十五文

諸司一萬九千二百九十六貫三百九十一文

本府一萬六千三百六十六貫八十四文

諸門引鋪一萬九百一十二貫五文

西門引鋪一千七百二十六貫六百七十三文

南門引鋪二千六百三十六貫六百六十七文

沈店引鋪二千一百九十七貫五十六文

宋招橋引鋪九百六十貫六百五十七文

望春橋引鋪七百四十八貫七百四十二文

江東引鋪二千六百四十二貫二百一十文

諸司五千九百四貫三百一十文

本府五千七貫六百九十五文


奉化慈溪定海小溪石碶寶幢澥浦七稅場四萬五百三十貫文

諸司二萬一千一百七十貫八百二十三文

本府一萬九千三百五十九貫一百七十七文又自嘉定六年以來澥浦場添認本府錢三百五十貫文實共收一萬九千七百九貫一百七十七文

鄞縣舊有大嵩橫溪兩稅場奉化縣舊有公塘白杜兩

稅場歲共計額錢五千六百餘貫並係人戶買撲認  
納官司既遠征歛無度重為民害慶元四年守鄭興  
裔申朝省廢罷



寶慶四明志卷五

欽定四庫全書

史部

寶慶四明志卷

六  
八

詳校官監察御史<sub>臣</sub>查善長

檢討<sub>臣</sub>德生覆勘

總校官降調編修<sub>臣</sub>倉聖脉

校對官中書<sub>臣</sub>翁樹棠

謄錄監生<sub>臣</sub>張琴

欽定四庫全書

寶慶四明志卷六

宋 羅濬 撰

郡志六

敘賦下

市舶

漢揚州交州之域東南際海海外雜國時候風潮  
賈舶交至唐有市舶使揔其征皇朝因之置務于

浙于閩于廣浙務初置杭州淳化元年徙明州六年復故咸平二年杭明二州各置務其後又增置于秀州温州江陰軍在浙者凡五務光宗皇帝嗣服之初禁賈舶至澈浦則杭務廢寧宗皇帝更化之後禁賈舶泊江陰及温州則三郡之務又廢凡中國之賈高麗與日本諸蕃之至中國者惟慶元得受而遣焉初以知州為使通判為判官既而知州領使如勸農之制通判兼監而罷判官之名



元豐三年令轉運兼提舉大觀元年專置提舉官  
三年罷之領以常平司而通判主管焉政和三年  
再置提舉建炎元年再罷歸之于轉運使二年復  
置乾道三年乃竟罷之而委知縣監官同行  
檢視轉運司提督寶慶三年尚書胡榘守郡捐幣  
以屬通判蔡範重建市舶務且記之謂凡官府之  
治無非理吾地也而此則以徠遠人凡法度之修  
無非齊吾民也而此則以觀四國惟清其心如水

之澄公其手如衡之平昭其見如燭之明而又濟之以能勤行之以近恕則觀感之餘彼當自化鯨波萬里如履坦途襍貨瑰寶將日陳於斯庭而帑藏無一之不充矣先是尚書嘗請於朝示招誘優

卹之意嚴收支綜覈之法劄子附見於下

照得本府僻處

海濱全靠船舶住泊有司資回稅之利居民有貿易之饒契勘船務舊法應商船販到物貨內細色五分抽一分麓色物貨七分半抽一分後因船舶商不來申明戶部乞行優潤續準戶部行下不分麓細優潤抽解高麗日本船綱首雜事十九分抽一分餘船容十五分抽一分起發上供每年遇船舶

至船務必一申明蒙戶部行下令準條抽解施行竊見舊例抽解之時各人物貨分作一十五分船務抽一分起發上供綱首抽一分為船脚糜費本府又抽三分依價和買兩倅廳各抽一分依價和買共已取其七分至給還客旅之時止有其八則幾於五分取其二分故客旅寧冒犯法禁透漏不肯將出抽解槩自到此灼知抽解之害重因船商鏐榜沿海招誘明諭以本府斷不和買分文抽解上供之外即行給還客旅船舟方次第而來其通判蔡奉議亦能奉承本府招誘優恤之意船舟纜至即約守倅同下務公平抽解更無留滯並不強買即行給還以故船貨之價頓減而商舶往來流通今年抽解最輕誠為僥倖惟是船務一司自乾道二年因臣察奏罷提舉市舶專官且言祖宗舊制有市舶處知州帶提舉市舶通判帶主管官當時已降指揮委知道同行檢視漕司提督今漕司

今倅為主管官專出納之任本府不過月一押簿歷而不預其收支之事其本務抽到物貨如細色盡行起發如篋貸及板木則存本五分充網脚糜費未免間有贏餘以起上下觀望前乎此廉者資以為餽送之資不廉者則為席卷之計實為弊事要當更革所合具申朝廷欲乞劄下本府令守倅常切同共點檢收支簿書文厯遇有出納收支並具稟長官判押方許施行庶幾稍革弊源免累倅貳既塞侵踰之害稍裕公上之供其抽解分數只準通年例十五分抽一綱首雜事十九分抽一以為招誘商舶之計其海南船及諸蕃船只準年例抽解伏望特賜劄下以憑遵守施行寶慶二年尚書省劄付慶元府從所申事理施行準此

高句麗國在唐及五代皆有傳本扶餘別種以高為氏

今其王曰王氏王氏之先曰建高麗大族也高氏政衰  
國人以建賢共立為君長後唐長興三年稱知國事請  
命於明宗乃拜建元菟州都督充大義軍使封高麗王  
建卒子武立武卒子昭立皇朝建隆三年遣使來朝賜  
以功臣之號仍加食邑開寶九年昭卒子佖立遣使請  
命復錫舊封自是世襲每請封爵修職貢或臣于契丹  
則職貢闕大中祥符七年王詢大破契丹請正朔于皇  
朝朝議難之止賜封冊大抵來不拒去不追間遣使加

恩不以為中國重輕也熙寧二年前福建路轉運使羅拯言據泉州商人黃慎所具狀慎嘗以商至高麗高麗舍之禮賓省見其情意欣慕聖化兼云祖禰以來貢奉朝廷天聖遣使之後久違述職便欲遣人與慎同至恐非儀例未敢發遣兼得禮賓省文字具在乞詳酌行時拯已除發運使詔拯諭慎許之高麗欲因慎由泉州路入貢詔就明潤州發來自是王徽王運王熙修職貢尤謹朝廷遣使亦密往來率道于明來乘南風去乘北風

風便不逾五日即抵岸明州始因供頓元祐二年高麗僧義天至明州上疏乞徧歷叢林傳法受道有詔朝奉郎楊傑館伴所至吳中諸刹迎餞如王臣禮惟金山僧了元床坐受其大展謂楊曰義天亦貴國僧爾叢林規繩不可易朝廷聞之以了元知大體蘇文忠軾有送楊傑詩云三韓王子西求法

韓有三種曰馬韓曰辰韓曰并韓皆高麗也義天自謂棄

王位

出家鑿齒彌天兩勅敵過江風急浪如山寄語舟人好

看客政和七年郡人樓异除知隨州陞辭建議於明置

高麗司曰來遠局創二巨航百畫舫以應辦三韓歲使且請墾州之廣德湖為田收歲租以足用既對改知明州復請移溫之船場於明以便工役創高麗使行館今寶奎精舍即其地也金國既盛高麗乃稟金正朔紹興三十二年綱首徐德榮至明州言本國欲遣賀使有旨令守臣韓仲通許之殿中侍御史吳芾言高麗與金人接壤為其所役紹興丙寅常使金稚圭入貢至明州朝廷懼其為間亟遣之回方兩國交兵德榮之情可疑今



若許之使其果來則懼有意外之虞萬一不至即取笑於夷狄乃詔止之孝宗皇帝朝始復通使嘉定十七年高麗乃棄金正朔以甲子紀年厯法與中國等其宗廟社稷城邑州閭官稱冠服率髻髷中國曰樂浪府者昔新羅也是為東京曰金州者昔百濟也曰鎬州者昔平壤也是為西京地多大山深谷而少平衍俗不敢有私田畧如丘井之制隨官吏民兵秩序高下而授之國母王妃世子王女而下皆有湯沐田每一百五十步為一

結民年八歲投狀射田結數有差國官以下兵吏土工無事則服田惟戍邊則給米地宜黃梁黑黍寒粟胡麻二麥其米有粳而無糯粒大而味甘中國賈人至其地風候逆或二三歲不可返因室焉返則禁其妻若子不得從再至有室如初本府與其禮賓省以文牒相酬酢皆賈舶通之襍貨具於左

細色

銀子

人參

其幹特生在在之春州者最良亦有生熟  
二等生者色白而虛入藥則味全然涉夏損

虛不若經湯釜而熟者可久留舊傳形匾者謂  
麗人以石壓去汁作煎今詢之非也乃參之熟  
者積塊而致爾其作煎當自有法也昔國使至  
麗館中日供食菜謂之沙參形大而脆美非藥  
中所  
宜用

麝香

紅花

茯苓

蠟

麤色

大布

小布

毛絲布

俗種苧麻人多衣布絕品者謂之純潔白  
如玉而窳邊幅王與貴人皆衣之至府者

乃其  
籠也

紬

俗本不善蠶桑其絲纒織絰皆仰賈人自山東  
閩浙來然頗善織花綾有文羅繁絲錦罽後得  
北朝降卒工技益巧染色  
又勝於前曰紬乃其籠也

松子松花

松有二種惟五葉者乃結實羅州道亦  
有之不若廣揚永三州之富方其始生  
謂之松房狀如木瓜青潤緻密得霜乃拆其實  
始成而房乃作紫色國俗雖果肴羹蔬亦用之

不可多食  
令人嘔吐

栗

大者如桃今至府者皆栗  
肉小而堅蒸煮乃可食

棗肉

榛子

榧子

杏仁

細辛

山茱萸 白附子 蕪荑 甘草

防風 牛膝 白朮 遠志

茯苓 薑黃 香油 紫菜

螺頭 螺鈿 皮角 翎毛

虎皮 漆 出新羅最宜飾  
鑲器如金色 青器

銅器 近年禁  
不出 雙瞰刀 蓆

合草

日本即倭國地極東近日所出最宜木率數歲成圍俗

善造五色牋銷金為闌或為花中國所不逮也多以寫佛經銅器尤精於中國賈舶乘東北風至襍貨具於左

細色

金子

砂金

珠子

藥珠

水銀

鹿茸

茯苓

麤色

硫黃

螺頭

合草

松板

文細密如刷絲而瑩潔最上品也

杉板

羅板

海南占城西平泉廣州船

不分綱首雜事梢工貼客水手例以一十分抽一分般販

鐵船二十五分抽一分

細色

麝香

箋香

沉香

丁香

檀香

山西香

龍涎香

降真香

茴香

沒藥

胡椒

檳榔

萆澄茄

紫礦

畫黃

蠟

鱈魚皮

麝色

暫香

速香

香脂

生香

麝香

黃熟香

雞骨香

斬剉香

青桂頭香

藿香

鞋面香

烏里香

斷白香

布袋香

水盤頭

紅苴

單撥

良薑

益智子

縮砂

蓬莪朮

三賴子

海桐皮



桂皮

大腹子

丁香皮

桂花

薑黃

黃蘆

木鱉子

茱萸

香柿

磕藤子

瓊菜

相思子

大風油

京皮

石蘭皮

獸皮

苧麻

生苧布

木錦布

吉布

吉貝花

驢鞭

釵藤

白藤

赤藤

藤棒

藤篾

柞木

射木

蘇木

椰子

花梨木

水牛皮

牛角

螺殼

蚘螺

條鐵

生鐵

外化蕃船

遇到申上司  
候指揮抽解

細色

銀子

鬼谷珠

硃砂

珊瑚

琥珀

玳瑁

象牙

沉香

箋香

丁香

龍涎香

蘇合香

黃熟香

檀香

阿香

烏里香

金顏香 上生香 天竺香 安息香

木香 亞濕香 速香 乳香

降真香 麝香 加路香 茴香

腦子 木札腦 白篤耨 黑篤耨

薔薇水 白荳蔻 蘆薈 沒藥

沒石子 檳榔 胡椒 鴉砂

阿魏 脛肭臍 藤黃 紫礦

犀角 葫蘆瓢 紅花 蠟

麤色

生香

修割香

香纏札

麤香

暫香

香頭

斬到香

香脂

雜香

盧甘石

眾木

射木

茶木

蘇木

射檀木

椰子

赤藤

白藤

皮角

鱗皮

絲

篔

牙契

有正限納者有放限納者分隸不同慶元  
多大家典買田宅投印者甚少今以嘉定

十七年所  
收記之

正限五千四百二十六貫七百九十六文

諸司四千七百三貫七百六十六文

本府七百二十三貫三十文

放限七萬二千四貫八百五十七文

諸司三萬七千六百二十一貫六百一十七文

本府三萬四千三百八十三貫二百四十文

雜賦

免役錢兩科共計七萬七千九百二十一貫四百八十

四文

六縣截支吏役錢三萬四千七百九十三貫七百一

十六文

本府八千一百六十三貫七十六文

解發減省人吏  
錢在京官員雇

錢及支府吏  
錢並在內

經總制司錢三萬一千七百五十一貫七百四十八

文

通判  
廳催

官戶不減半錢二千八百八十三貫九百二十文

平常

司通判  
廳催

奉化慈溪昌國三縣頭子錢三百二十九貫二十四

文  
司提舉

茶租錢一千九百九貫五百五十文

舊額二千二百八  
貫九百八十四文

今除奉化縣逃絕  
戶四分錢有此額

水脚錢八千九百貫文

昌國縣砂岸錢四千餘貫文

樓店務錢約二千貫文

隸公使庫

鄞定海慈溪河塗租堰錢三千三貫七百八十文

隸公使庫

鄞定海慈溪城基房廊錢二百三十一貫二百四十文

隸公使庫

截補身丁錢七千貫文

五代時東南割地分國者率計口算緡故有身丁錢一丁有歲

納數百者皇朝累經減放大中祥符四年詔兩浙福建荆湖南北路身丁錢並特放除而州縣奉行不度慶元五年中書舍人陳傅良因進故事及之本府元催身丁錢一萬八千七百八十八貫六百二十文內四分充糶本六分充係省支遣開禧元年十二月十九日御筆方今大計在寬民力賸茲二浙實拱行都尤當優恤以厚根本况承平歲久生齒日繁程其賦租之餘重以身丁之徵吏弗加省



民輸益艱中夜以思靡遑安處非不知國用所繁  
儲積宜豐顧寧損於縣官以少紓於百姓爰數曠  
澤庸示至懷其兩浙路身丁錢可自開禧二年永  
與除放本府續申朝廷蒙行下每年於合解上供  
折帛錢裁七千  
貫補助支遣

僧道免丁錢一萬一百一十六貫六百文

隨帳狀催發  
歲無定額

河渡錢一千八百五十八貫四百三十九文

通判  
廳催

鄞縣桃花渡每界額錢三千四百二十五貫有奇定海

江南渡每界額錢一千三十七貫有奇淳祐六年冬

制帥集撰顏公頤仲以兩渡為往來民旅之害申朝

省撥府帑代輸常平司免拘渡錢以便民仍稽定民

船輪載人收二錢省劄付于下方

尚書省劄子備據本府申本府管屬

有桃花渡在鄆縣之東有定海渡在本縣之南其  
水交匯其涂四達近通六邑遠出大洋是為民旅  
往來之衝農牧出入之地轎馬籬檐朝夕不絕每  
一歲兩渡共拘錢一千四百八十七貫有奇錢會  
中半十數年來府第買撲歸私置場設肆於收錢  
外凡所以為征收計者殆將百出又有一等亮悍  
不逞無籍之人入為梢工篙手相助為虐輕則毀  
辱衣巾損壞器物或加捶縛不幸而驚覆則又有  
性命之虞其為民害蠶矣復與裏商外賈漁戶販  
夫賈私掩蔽共為般拱銀錢隱漏稅貨之事而官  
又被其害馬頤仲到任之初首開砂岸與官渡均  
為四明之害竊計所管課額散在他司用度所關

未易除罷乃搏節浮費先措置五萬餘貫代納砂岸和錢而一害先去固嘗具申得蒙從請再辦此一千四百餘貫錢會欲代輸兩渡常平窠名未施行間忽據白劄子陳述謂此渡之為民害者四為官害者二載詳其言若不可一朝居者豈容坐視而不與之區處遂令財賦司供具所管錢數牒通判東廳免拘此兩渡錢每月仍於本府照數撥與庶幾二害盡去而海邦之民永拜無窮之惠狀申尚書省指揮行下照得桃花定海渡拘錢之弊委為一府往來商旅之害今本府免拘此錢一從民便實為永久之利劄付慶元府照應施行詳見兩渡碑刻

## 湖田

初高麗使朝貢每道于明供億繁夥政和七年郡

人樓异因陞辭赴隨州請墾廣德湖為田收歲租  
以足用有旨改知明州俾經理之明年湖田成及  
高麗罷使歲起發上供自水軍駐劄定海江東兩  
寨朝廷科撥專充糧米

糙米四萬六千二百七碩六升五合四勺

職田

咸平二年七月宰相張齊賢與三館秘閣參定職  
田之制兩京大藩府四十頃次藩三十五頃防團

州三十頃中上刺史州二十頃下州及軍監十五  
頃邊遠小州上縣十頃中縣八頃下縣七頃為三  
十等轉運副使許於管內給十頃其諸州給外剎  
者許均給兵馬都監監押寨主釐務官錄事參軍  
判司等其頃畝多少比類通判幕職之數以官莊  
及遠年逃田充悉免稅及差徭所得租課均分如  
鄉原例州縣長吏給十之五自餘差給詔從之天  
聖七年言者謂職田有無不均吏或不良往往多

取以殘細民詔晏殊等參議遂停罷官收其入以  
所直均給未即行九年二月上閱天下所上獄多  
以賄敗者詔復故慶厯三年九月參政范仲淹等  
以有無多寡不同乞行均給乃更定田限藩府二  
十頃節鎮十五頃餘州十頃通判六頃判官四頃  
幕職官三頃縣令萬戶以上六頃簿尉給半五千  
戶以上令五頃簿尉二頃五十畝不滿五千戶又  
殺之無田或頃畝不足且不可耕者三年內檢括

官荒田并戶絕地土及五年以上逃田充靖康元  
年詔在州見任官職田權借一年變易輕貨輸內  
藏庫建炎元年五月詔罷住職田令提刑司收椿  
具數申省紹興三年七月勅選人七階以舊祿比  
今物價恐不能贍給其家可將無職田選人并親  
民小使臣每員月支茶湯錢一十貫內職田不及  
此數者補足自此選人小使臣有茶湯錢之制而  
職田或給或收隆興元年六月權借一年乾道元

年七月權拘三年今本州公租存者僅如左方

米五千四百八碩

官員宗室諸軍俸料舊來支十七界舊會淳祐五年七

月制帥集撰顏公頤仲並支十八界新會歲增錢七十

六萬四千六百六十貫

勝示云照得本府財賦有限量入為出僅可支吾前此累政皆

有增收創置誠可嘉羨近據僉廳具呈見任寄居官員宗室軍兵俸料多用舊會酒米綿絹紬布折價為數未登因念制祿以任官必須寬融而後可責其奉公守節制賦以養兵必須優潤而後可勉其趨事赴功並合全支新會仍添折價錢緣當職到任之始已將諸縣淳祐三年拖下官錢九十四



萬餘貫並行徵催府計頗慳除諸軍先與純給新會外應見任寄居官員宗室並徙次第增改公庫省務酒額太高專知等人徒被監繫仍前拖欠合與減額兩府判廳起綱支糧頗有欠闕合與添助二稅折納太重合與減價倘得年穀屢豐加以均節歲計或有贏餘則增收創置之事續議區處須示至曉

### 常平倉

淳化二年詔置常平倉歲熟增價糴歲歉減價糶用賑貧民本李悝平糶之法其後以收沒官田租入或賣屋地坊場河渡以其錢糶入或州縣寬刺錢米入凡老疾

貧丐者園梏者流徙者率以是濟之本府素無椿積朝廷間撥降度牒糶米賑濟隨糶隨支無定額

義倉

康定二年置紹興六年總制司申明大觀指揮每碩納一斗至今民戶納正苗米一碩即納義倉米一斗一斗即納一升本隋社倉之法使民舉粒米狼戾之贏以備水旱者也故著令惟許賑給不得它用縣遇災傷當職官體量自第四等以下闕食戶給散若放稅及七分以

上通第三等給並預申提舉審度行訖奏紹興七年戶部侍郎王俱奏常平六事其二曰封椿義倉斛米故義倉米率附常平倉

制置使司平糴倉

國朝沿唐舊州縣各置常平義倉所以備水旱救凶荒也然常平置使自專一司州縣發斂皆稟命焉雖河內有飢民不容以便宜從事此制置司所以自創平糴倉盖有以也然必以制司名倉者州郡不得以支移他司

無與也制置知府祕撰陳公塏有見於此淳祐二年正月開藩二月即疏聞於朝乞俟本府支衣大閱後凡省庫公庫纔有所積即取撥令項樁管委兩通判專掌此錢為平糴本未及期年積券已及八十五萬復申請於朝乞免解前政任內借撥農寺十八界會子三萬貫準省劄行下畧云聞陳制置見議瓶平糴倉以利民要得此錢以充糴本捐此以助四明利民之事從申銷豁十八界一準十七界五展計十五萬券湊及百萬之數大

要欲糴米穀各二萬斛

文忠院斛

米糴於吳穀糴於鄞數或

不及椿留餘券以俟續糴度地城西得醋庫餘基不足則買民田給官鏹易鄰寺之荒畦凡建屋二十六間曰廳曰泊水曰中門曰大門各三曰倉十四分為六廩以豐年亦有高廩名扁大門曰制置使司平糴之倉四周以牆三面環水前後有水步鳩工於四月丁卯迄事於十月甲子提督措置營造則通判尤熾添差通判趙體要路分傳端倘役水軍而給券物和買而給錢無一字

文移下諸邑故不擾而辦倉有提督於制司屬官選監倉於本府職曹選門官則差水軍將佐月各添給歲以正月委官覈實城內外之合糴者濟者給歷以二月初糴濟年豐穀賤則不須舉行又有新陳相易之法米糴則錢在錢出則米歸制帥交承則登載帳冊上其數於朝每歲六月一申歲終再申亦如之詳見制置司幹辦公事林元晉所編規約附以倉圖記則觀文殿大學士鄭申公作帥守陳公又自作平糴銘銘曰

千斛在市 物價自平 其平伊何 持衡有人  
願歲常豐 穀石錢五 此倉之設 姑備先具  
三年春公以大理卿召未行易鎮吳門又念糴價雖平  
而寒窶之民在所當濟久之必虧糴本遂再捐三十萬  
為賑濟之助悉以聞於上

制置使司平糴南倉

倉以南名別西倉也西倉已儲粟二萬一千餘碩淳祐  
四年制帥殿撰趙公綸以官地兩易延慶寺西蔬圃建

南倉儲五年六月以後續添之數規撫視西倉益閱詳見提督官司戶黃縉所具條約緇徒規復蔬圃外臺遣屬僚詣郡審處制帥集撰顏公頤仲力主為民之議而前政成規迄以無撓輿論韙之

椿積倉

淳祐四年制帥殿撰趙公綸撥錢五十二萬三千貫糴米一萬九千五百碩有零舩此倉附平糴南倉教

新椿積倉



淳祐<sup>缺</sup>年制帥集撰顏公頤仲叔已糴到米一萬碩有

奇附省倉西倉暑往字教

朝廷窠名

共七色

銀綾

絹

鹽鈔紙

錢

綿

銀一千兩

每兩折錢三貫三百文省

聖節五百兩

大禮年分五百兩

絹一萬四千五十七匹

夏稅和買四千八百五十七匹

歲幣八千二百匹

元遣金國歲幣於夏稅絹內起發朝廷既罷歲幣指揮折錢持優卹

下四等五等人戶每匹止折納錢四貫文有司不體朝廷優卹之意每歲多是大家以錢折納

實慶二年守胡榘視事始根究必從指揮施行

聖節五百匹

大禮年分解發左藏庫五百匹

紬二千七百二十四匹

綿一萬八千五十三兩

綾一十匹

唐國要圖云貢交梭綾貞元十道錄云貢吳綾元和國計圖云貢吳綾乾山藥唐書云貢

吳綾交梭綾海味山藥附子十道四蕃志云舊貢紅鰈鮓大鰈米九域志云貢綾十四匹烏鰓

骨五斤乾山藥一十五斤

今止歲貢大花綾一十匹

鹽鈔紙七萬九千三百幅

歲支錢一千一十九貫五百六十八文錢會各半行下奉

化象山鄞縣收買赴太府寺交引庫其錢會於軍資庫係省錢鹽倉別納袋息錢各交一半

錢

折帛錢一十七萬六千七百二十五貫文

內裁留七十貫文補

放免身

下錢

無額上供錢三千九百九十貫文

御膳羊錢五千五百九十五貫七百四十四文

供給錢八百貫文

起發七分酒息錢一萬五千三百九十六貫一百八

十五文

紹興七年始  
贍軍庫起發

糴本錢四萬三千八百貫文

宣和五年始舊經額九萬六千九百七十八貫

四百三十九文內於酒務係省錢撥出四分獲  
到三萬八百六十七貫二百九十三文餘錢係  
諸稅場以日生收到錢分撥及村坊買撲認納  
并人戶身丁錢湊足赴行在省倉和糴場交納

其後減罷稅場及開禧二年放免身丁錢額項  
虧戶部司農寺歲實催發錢五萬八千七百二  
十六貫三百三十八文繼此酒場減造米斛嘉  
定八年旱蝗相繼村坊多有改闕關停十三年  
火災朝廷放免竹木稅錢累年止催解四萬六  
百貫文十六年十七年解四萬二千貫文寶慶  
二年解四萬三千八百貫文其逐年所虧錢數  
部寺每行下照例流水登帶補發至郊赦釋放  
僧道免丁錢一萬一百一十六貫六百文

紹興十五年始歲無

常額以括實帳  
狀多少為數

經總制錢

熙寧十年初置經制熙河路邊防財利司  
宣和三年因陳亨伯在陝西河北措置有

條遂推行於東南始有經制兩浙江東路財用  
司靖康初罷建炎三年臣僚言邊事未寧理財

最急與其暴斂於倉卒何若取之於細微今除  
不便於民如納免行錢減罷曹官役人錢鈔旁  
定貼錢院虞候充獄子重祿錢牛畜等契息錢  
契白紙錢不可施行外所有權添酒錢量添賣  
糟錢人戶典賣田宅增添牙稅錢官負等請俸  
頭子錢樓店增添三分房錢共五項欲令東南  
八路州軍收充經制錢從之於是戶部領經制  
司紹興五年參知政事孟庾提領措置財用以  
總制司為名措置經畫窠名轉運司移用錢勘  
合朱墨錢出賣係官田錢人戶典賣田宅牛畜  
等於赦限內陳首投稅印契稅錢進獻貼納錢  
者戶長雇錢抵當四分息錢人戶典賣田業收  
納得產人勘合錢常平司七分錢見在金銀茶  
鹽司袋息等錢椿還舊欠裝運司代發斛斗錢  
收納頭子錢官戶不減半民戶增三分役錢見  
椿數二稅畸零剝數折納價錢免役一分等剝

錢並充總制司錢其後經制總制皆歸戶部州縣住往以兩項窠名混而為一諸縣委縣丞無縣丞委主簿諸州軍委通判無通判委發判拘收提刑司檢察本府歲額具如左

正額錢二十一萬五千三百七貫九百三十文

舊經

年額四十一萬八百二十五貫六百六十八文內經制錢二十一萬一千七百七十三貫四百九十一文總制司一十九萬九千五百二貫一百七十七文其錢出於屬縣給納二稅頭子勘合者戶長免役裏外酒稅并人戶典賣田宅稅契窠名等拘收自後酒場沽賣不行減造額米商稅少有客旅興販二稅內有坍江事故出豁歲復一歲虧收元額累年止總起及二十餘萬貫朝廷比較多是居殿嘉定四年提刑程卓攝守究極源流申請豁

無額經總制錢二十六萬貫蒙朝廷行下戶部先與理豁一十六萬三千三百一十三貫七百六十二文而尚有無額之錢竟無可催移東補西僅湊今額

經制九萬四百五十四貫八百五十文

總制一十萬五千三百二十二貫二十八文

添收頭子五千二百一十三貫三百六十九文

增收勘合二千五百四十五貫六百二十五文

改撥牙契七千四百二十六貫五百五十一文

無額四千三百四十五貫五百七文



右本府歲於軍資庫撥錢六萬五千一百九

十八貫付通判廳

商稅一萬二千六百二十九貫生煮酒二萬九千三

百六十九貫諸倉頭子二萬三千二百貫

餘錢並係通判廳於六

縣及倉庫場務自行拘催然常催不及額內

水軍官兵宣限券食春冬衣錢共一十五萬

七千八百二貫文及韶王府香火官茶湯俸

料錢史越忠定王府宣借人春冬衣錢並就

截文尚且不足餘經總制錢五萬緡解發赴

戶部每無可解本府不免於交承錢內兌借  
應副通判廳起發次年於合撥倉場庫務錢  
內消還消未足而又借致本府交承錢常掛  
欠五六萬緡積習已久弊不可革守尚書胡  
渠嘗申省乞減下本府歲所解戶部經總制  
五萬緡以寬州郡朝廷下戶部勘當戶部難  
其請不報

內藏庫錢一萬三千貫文

大中祥符間始有坊場正  
名錢元豐勅諸場務每年

從本寺於諸路那移一百萬貫赴內藏庫寄帳  
封樁本府舊額一萬五千貫逐年止解七八千  
貫或止五千貫嘉定十七年攝守齊碩  
備申朝廷定今額逐年係通判廳催發

### 左藏庫錢

坊場七分寬剩錢一萬二千九百六十六貫一百

### 六十六文

初降指揮坊場淨利錢除認發內  
藏外餘為七分寬剩三分州用紹

興元年買撲坊場價上增添淨利錢五分十  
六年本州拘發七分寬剩錢三萬四千餘貫  
五分淨利錢二萬四千餘貫官錢既重坊場  
由是沽賣不行多是停閉二十三年勅令坊  
場敗闕稅務停罷內庫錢猶不敷安得寬剩  
本州將敗闕去處出榜召賣入價者皆不及

元額照常平免役令供價雖高不及舊界承  
買人錢數者依出賣法再榜一次無人投狀  
即給前項人乾道四年申戶部行下提舉司  
覈實乾道五年七分寬剩錢發及二萬九千  
餘貫五分淨利錢發及二萬一千餘貫總此  
又多敗闕淳熙八年勅今後諸州不許未數  
內庫正額先納寬剩十一年九月十四日勾  
提舉申請將敗闕關停無人送納官錢去處  
依條免納五分錢外正名課利錢元額減退  
五分出榜名諸色人投狀通產不問官民戶  
有無諸般違礙並許承買全無屋宇去處免  
納官錢一年有屋宇可以造酒者免納半年  
自後每年開具實催起發數目夾細帳狀申  
戶部符下提舉司行下本州措置興復本州  
不住出榜台賣拘納價錢起發慶元六年知  
府陳杞點最高年分定今額然逐年坊場又

多收闕歲虧錢二千八百貫  
文  
文本府撥降助通判廳起發

坊場五分淨利錢八千三百二十七貫五百六十

八文

慶元六年知府陳杞點最高年分為額  
一萬三百二十五貫文嘉定六年通判

章良朋以坊場收闕關停處多其實催細帳

申朝省起發七千三百七十三貫九百一十

一文嘉定十三年提舉司準朝省行下委婁

提幹前來覈實管發七千五百七十五貫八

百五十一文嘉定十六年戶部行下措置興

復增添諸縣申到坊戶二十五所定今額係

通判廳

催發

官戶不減半役錢二千八百六十九貫八文

乾道二年

始係通判  
廳催發

聖節折銀價錢八百二十五貫文

大禮年分折銀價錢一千三百二十貫文  
二項折銀錢通

判催坊場河  
渡錢起發

減省人吏雇錢一千六百二十二貫文  
宣和三年始

在京官員雇錢二百二十五貫文  
紹聖九年始舊經一百五十貫

文二項並係本府  
催縣役錢起發

監司窠名

轉運司錢三萬四千一十四貫六百八十八文

舊經月解等錢

三萬四千八百一十六貫八百二十八文  
移用降本錢一萬八千八百九十三貫六百五十三文  
通為錢五萬三千七百一十貫四百九十一文  
內有無指擬錢一萬三千五百貫文  
每年戶部及轉運司改撥別處州軍取發而本府裏外場務沽賣不行減造糯米尚有無催錢六千一百九十五貫八百三文  
嘉定十三年備前件曲折申轉運司以此年無早傷最高額催發此數

月解通計二萬六千貫文

每月發二千一百六十六貫六百六十八文

移用降本七千貫文

殿步司馬草三千貫文

重華宮糯米二千貫文

御酒庫糯米二千貫文

寬餘耗剝米五百貫文

行下支撥官吏茶湯食錢及雜支等錢五百一十四

貫六百八十八文

提刑司

聖節拋降銀二百五十兩計八百二十五貫文

贓賞錢二百貫文



常平司

應內藏左藏庫錢並隸常平司

鹽課

崇寧三年始行鈔法罷兩浙淮南官般官賣鹽聽  
客人鋪戶任便興販先於權貨務入納鈔引錢二  
十四貫省別於主管司納窠名錢請鹽一袋三百  
斤本府舊止七場開禧以來又創建七場二場置  
台州支發不行乃撥隸本府鳴鶴運鹽又隸本府

於是官吏始繁矣守胡槩請於朝乞從福州例置  
厯拘收出剩教底所賣鹽貨支官吏俸給劄子附

見於下

照得本府經常所入有限而支用日增只如寄居官及宗室官月俸一項前此各立

三十員為額昨因寶賞覃恩二次宗室出官人數  
損添日即額外各已添放數十員源源而來未已  
無策何以措置添收財用深思有以畧加撙節竊  
見慶元府台州兩郡諸鹽場官計一十九員職事  
與本府一毫不相干涉却乃月就本府幫支請給  
總計一千一百餘緡其俸米衣絹在外考之諸鹽  
場收支鹽課最為豐羨除買發提鹽司額錢之外  
本場有出剩教底鹽貨每月不下收二三百千其  
場官公廩者多以應副遊謁干求之用其貪吝者  
悉為席卷之計昨來福州趙丞相忠定為帥曰應

本路漕司監鹽官在福州境內者每月視其官資幫旁發下各場令將每月所收出剩放底所賣鹽貨置厯拘收自支各場官吏俸給皆以為便諸場亦無辭說今來本府不敢自便合具申朝廷乞賜劄下令本府從福州上件體例施行其於提鹽司別無相妨庶可少寬本府郡計實為至幸

舊七場管額鹽五萬一千九百二十袋九碩九升六合三勺

昌國監額一萬二十六袋一石九斗九升二合五抄  
岱山場額一萬四千六十袋一碩一斗

東江場額一萬二十六袋一碩一斗九升六合二勺

五抄

以上並屬昌國縣

玉泉場額五千二百二十袋

象山縣

大嵩場額二千六百八十袋五碩六斗四合

鄞縣

清泉場額四千九百八袋

定海縣

長亭場額五千袋

台州

創建七場管額鹽二萬三百三袋六碩

龍頭場額一千八百七十七袋二碩

開禧元年於定海縣創置

穿山場額三千袋

乾道中立為清泉子場分太立海晏兩鄉隸馬開禧二年改為正場

高南亭場額三千六百袋

高亭南亭二甲元隸岱山場相阻一嶺舟行則經大

洋嘉定元年

立為正場

杜瀆場額四千一百六十六袋四碩

場屬台州支發不行嘉定元年

撥隸本府

鹽倉寄賣

玉女溪場一千六十袋

本玉泉子場以監官往來迂遠嘉定四年立為正場

長山場額三千袋

元隸清泉場亭戶以涉嶺路遙紹興三年率錢就長山買地置衙屋

號長山場請清泉運鹽官及時前來買納嘉定四年立為正場移建石湫碛下

蘆花場額三十六百袋

本昌國西監子場名曰東監月額二百二十五袋嘉定四

年提鹽司差官相視增為  
三百袋五年立為正場

### 窠名官錢

貼納錢每袋六貫三百六十文二分錢會各半

鹽本錢四貫八百文發下諸場買鹽

雇船水脚錢四百一十文充諸場運鹽船梢水脚

貼收水脚錢一百三十八文上下半年解發權貨

### 務

袋本錢二百三十八文充支造袋局席本錢

袋本剩錢六十二文上下半年解發權貨務

三分錢二百五十文四季解發封樁庫

別納袋息錢四百四十文專充官吏食錢

封頭物料錢一文三分做造鹽袋封頭

封頭錢九分月解提鹽司

雜收錢二十文月解提鹽司

鹽倉凡遇支遣每貫除頭子錢四十文五分

經總制司三十三文

提鹽司七文五分

客請封樁私鹽每袋收三百五十文

袋本錢三百文

充私鹽賞錢五十文

寶慶四明志卷六



欽定四庫全書

寶慶四明志卷七

宋 羅濟 撰

郡志七

敘兵

制置司水軍

紹興二年制置始置司所統兵駐劄定海防托海道十一年兵隨司罷

詳見官僚門

三十一年金人渝盟

入境明州城下復屯殿司水軍二千人隆興元年  
海寇朱百五等猖獗戶部侍郎趙子瀟復帶沿海  
制置使知明州就領殿司軍二千人收捕二年寇  
平所屯兵朝廷節次起發前去子瀟奏明州密邇  
行都水陸控扼事體非輕乞存留揀中禁軍未起  
發人又乞招置水軍一千人仍奏陞水軍統領鄭  
廣為統制存留聽明州使喚自是明州駐兵為額  
三千乾道七年差林文克統制仍將本官自福州

帶來水手一千撥付兵額始有四千其後分二百

人隨一訓練官於州城外江東寨駐劄統兵官有

統制有統領

統制統領本統御前軍馬靖康之變有州縣起發勤王人兵管押一二百

人差充統制者有諸道總管及諸司妄稱便宜差充統制者高宗皇帝建炎元年劉光世言朝廷設一統制體貌非輕乞除行在及中都主兵官朝廷差充統制官外餘並罷從之其後率以御前軍馬出戍此統制統領所以分駐諸邊也制置司水軍本殿司故有統制統領以統之

又有正

將副將準備將各三員兵四千人曰軍義兵曰吐  
渾兵離為二十二隊分隸于三將都副撥發都壕

寨訓練官以次領之不入隊者俟闕填補揀汰者不係帳老病而無家者為孤貧有官階者加請給而不入隊不係帳與孤貧者皆有月給名籍登降廩給厚薄兵財司以時勾稽並器甲船具枚數之季月必聞於樞密院神前石衙三姑宜山馬跡關魯海驢礁及海洋南北中間晝夜巡徼三日一報樞密院及尚書省平江府許浦水軍與定海水軍月差將官巡海互至書歷嘉定三年旨也三姑峯

江烈港海內白峯五寨土軍亦聽水軍統制節制  
歲自十月朔巡檢指使同將佐領土軍二百五十  
人水軍五十人於三姑山卓望三月朔乃止嘉定

七年從攝守程覃請也

五寨雖聽水軍節制然各  
有寨官統轄無舟船可以

往來水軍相去遙遠所謂節制者皆具文卓望三  
姑則有生券之貴寶慶二年守胡槩申請以涪江  
白峯兩寨解在山巖未甚聚切欲撥還定海昌國  
縣承受行移巡捕之役而岱山管界兩寨皆要害  
之地却撥隸水軍節制總三姑烈港海內岱山管  
界五寨兵額元管一千一百一十八人今見管止  
八百三十四人欲分為六隊屯駐五處三姑都巡  
檢司見管四百三十五人於內以三百九十五人

分為第一第二隊仍舊屯三姑寨每季輪流一隊卓望三姑山更不須徙水軍遣人却就三姑寨中撥四十人湊烈港見管六十人共一百人為第三隊分屯烈港其管界寨見管一百二十人為第四隊岱山寨見管一百四人為第五隊海內寨見管一百一十五人為第六隊各屯本處其五寨官並徙省罷止以水軍正副準備將及訓練官分領並以水軍第四將繫衙其舟船器甲悉徙水軍措置料理庶幾事權歸一教閱有常可備緩急事竟不報

定海水軍朝廷既撥湖

田米及經總制錢給之每歲樞密院又劄下轉運司支降官會二千貫支散口累重大錢初置司有犒賞庫後隨司罷重置司日有庫無錢開禧元年

封樁庫支降官會四千貫充循環庫卒貧而病者  
貸之母得取息物故勿追所貸嘉定四年攝守程  
覃撥盜贓銀易錢六千七百九十五貫七十五文  
省於江東置庫繼而本錢虧陷撥給定海水軍庫  
今水軍併酒庫息月解錢三百八十貫九百一十  
文省支給官吏猶未足也

## 統兵官

## 統制

統領

正將三員

副將三員

準備將三員

正兵二十二隊總有二十名色分隸于三將

訓練官二十人

押隊四十四人

擁隊四十四人



引戰教頭二十二人

旗頭一百三十二人

牌手一百七十一人

刀手七百七十一人

槍手四百六十八人

弓箭手五百五十六人

弩手八百六十人

角匠二十二人

金手二十三人

鼓手六十一人

準備帶甲旗頭四十四人

梢礮旗頭二十二人

隊司二十二人

梢工六十六人

礮手三百三十人

押火二十二二人

火頭一百九十八人

不入隊今六百人有奇

不係帳今五十人有奇

孤貧今一百九十人有奇

寨屋五千六百九十三間

定海五千三百九十三間

江東三百間

房廊六百三十三間專係統制司收賃錢以修軍器

定海五百五十三間

江東八十間

禁軍廂軍

寶慶三年守胡  
槃重修諸營

國初收天下勁卒列營京畿南征北伐率從中遣  
故惟三司卒稱禁軍州郡止有廂軍鎮守廂乃藩  
鎮舊名如曰左右廂曰第幾廂蓋部分之別爾三  
邊屯戍卒或升禁軍重之也嘉祐置威果指揮而  
後大郡有禁軍元豐升雄節指揮而後禁軍滿天

下二軍初皆更戍在浙者或戍廣在江者或戍浙  
欲其習險阻忘顧戀也禁軍惰怯則降為廂軍廂  
軍得力則升為禁軍遴選尤精闕額雖州郡自募  
京師實分遣壯卒為募士之準謂之兵樣其後易  
以木槌木架而兵樣不至熙寧初詔江淮荆湖兩  
浙福建等路州軍料揀強壯團結教閱常留在州  
備禦盜賊於是罷更戍創額招置漸多大觀元年  
御筆帥府望郡各別屯兵每二年更互出戍然終

亦不行建炎以來遂廢紹興六年廂禁軍闕額二分住招方熙寧團結時已有隸將不隸將教閱不教閱之分循習既久教閱益具文變通之術必有  
所待

禁軍五指揮額二千三百三十人今一千四百九十人

乾道四年守張津重修五營增屋  
凡四百楹其後更革具見下方

威果三十指揮額五百一十人今三百七十七人

嘉祐

四年詔置就糧禁軍兩指揮各四百人以威果為  
名除捕盜不許他役五年排次自荆南至州為第

三十第五十五先是慶歷二年詔諸州置澄海兵士大郡兩指揮各五百人四年又詔上州添置土軍二千人為宣毅指揮多於澄海揀撥乃廢澄海併歸宣毅總多選入京填補近上禁軍至是既置威果以本州就糧步軍撥入宣毅亦廢威果營西南廂順成坊北

威果五十五指揮額四百人今二百一十一人

不隸將舊

營以居養坊為之在子城東南嘉定十三年出移建于忠順官寨內今新縣學乃其舊基也

雄節指揮額五百一十人今四百八十七人

紹熙元年詔州

郡所管廂軍即前代本處鎮守之兵理合教閱宜令江淮荆湖兩浙福建等路州軍料揀強壯團結教閱以教閱崇節指揮為名是時兩浙路廂軍見管三萬一千六百九十六人遂定以三萬為額內

三千五百人充教閱崇節其不係教閱廂軍為本城諸指揮額通不得過三萬之數六年六月以諸路教閱廂軍不一可除教閱二字改為雄節指揮其不教閱崇節依舊元豐三年閏九月陞雄節指揮為下禁軍隸侍衛步軍司營教場東北

威勝指揮額五百一十人今二百二十八人

大觀元年十二月

月御筆祖宗以來人未繁盛兵數雖少可以支吾今承平百五十年之久地大人眾兵寡勢弱非持久之道可除見今兵額外帥府別屯兵二千人望郡一十人常管在營比諸軍加數教閱每一年令更互出戍帥府五百料錢以威捷為名望郡四百料錢以威勝為名帥府望郡三百料錢以全捷為名並充步軍隸殿前司管轄營西北廂石板巷



全捷指揮額四百人今一百八十七人

見威勝指揮  
注不隸將舊

以居養坊為營  
今在小江橋側

廂軍九指揮除兩指揮無額外七指揮額二千二百七  
十七人今一千二百九十九人

崇節二十八指揮額四百四十一人今二百八十一

人營天慶  
觀前

崇節二十九指揮額三百八十八人今一百五十五人

營東壽  
昌寺南

崇節三十指揮額三百八十人今一百二十六人

東營

壽昌寺北熙寧六年教閱崇節指揮改為雄節指揮此三指揮皆不教閱崇節也先是元年嘗裁定教閱廂軍已別有額其不教閱廂軍令逐路相度州軍大小排定次第每指揮不得過五百人若人

數至少去處只

據見管均定

壯城指揮額二百人今一百九十三人

熙寧初置壯城指揮五年

撥併不教閱廂軍為一額壯城專治城壁例不差出不在撥併之數元豐三年五月勅諸路已置壯城兵士其有城壁樓櫓去處以城圍大小分為兩等大城五十人小城三十人專充修城不許招棟填別軍分崇寧五年河東提舉李公年以潞州城壁頽毀申乞諸路州軍招填壯城兵士宣和三年

勅立到壯城額帥府三百人節鎮二百人餘州一百人舊額多處依舊如合置壯城闕額委當職官限一月招足營影泉坊巷口北

### 都作院指揮額四百八十人今四十六人

熙寧六年詔諸路置

都作院凡四十一所明州居其一十九年正月樞密院劄子諸都作院元額工匠三百人以上置副正指揮各一人都頭五人十時將虞候承局押官各五人  
大觀元年十二月御筆東南州軍軍器以承平日久全不修治亦多闕數仰帥府封樁三將軍罷望州兩將非軍須盜賊不得支用仍三年一修訖中提刑司帥府望州未有都作院各許一處置立二匠帥府二百人望州一百人若帥府望州人土物料不足許拋下出產諸州小作院分造所造軍器東南土俗不同春夏氣暖筋膠不可施用可

三分中計以一分置土俗所用器仗如偏架弩紙皮甲之類令本路官取索講求便利輕捷可用各件製造仍具圖樣名色聞奏靖康間諸作院多物料不備匠人移占它役諸州軍遇有調發軍器皆從京支降乃令提刑司專一管幹有作院州軍招集匠人轉運司應副材料紹興以來皆仍舊額本府作院管子城南二里嘉定十三年火移建威果三十指揮營側

### 船場指揮額四百人今一百七十九人

舊有船場採斫兩指揮皇

祐勅採斫兵級遇冬寒食各給假三日仍不住口食若父母在營身死給假五日妻死三日如因採斫身死支錢一貫文其請過月糧醬菜錢並與除放每歲十二月一日住採斫放令歇泊至正月四日入役又勅杭明溫台州招置船場兵士並依採斫指揮請受則例其船場造船雜役人入山採

斫材木者不得別有差使元豐五年承旨司裁定  
兩浙廂軍人數船塲採斫指揮各以二百人為額  
六年五月温州守臣石牧之奏乞今後只從本州  
支錢和買材料更不發遣兵士入山採斫兵士併

入船塲指揮營  
城外甬東廂

### 清務指揮

本以權酤而立熙寧五年撥併不教閱廂  
軍為一額而清務以因事募人係專處置

軍不在團併之數軍防格酒務三萬貫以上二十  
人舊營在東南廂鄞江門裏後多揀充禁軍及有  
死亡不曾招填  
營亦廢為民居

### 剡員指揮無額今一百五十六人

慶歷五年差內臣  
往福建等路揀選

就糧禁軍及本城兵士如病患可醫者減充半分  
剡員久或不堪與給放停公據若曾有戰功及陣

亡人弟姪子孫令仍舊自後歲委監司分揀於是  
有刺員指揮然非疾病或衰老不任戰禦視歲數  
有減切法諸廂禁卒自十將至押官六十五減切  
七十放停長行六十減切六十五放停惟副都頭  
以上獨免減切至七十則放停而已凡減切及歲  
時減汰疾病稍堪役者充刺員兵級嘗有戰功應  
放停者亦充看營不管事刺員其衣糧等各得元  
來之半終其身熙寧十年勅遂州就糧禁軍廂軍  
通計十分立一分為刺員額聽於舊營居住遇出  
軍每指揮留守營常二十五人仍著為令紹熙四  
年勅諸路提刑司每遇巡歷就同守臣將揀中不  
揀中禁兵并廂兵通選一次其少壯及等並充揀  
中禁軍反是者充廂軍其年老禁兵願充刺員  
者聽營天慶觀後紹定元年火守胡榘重建

寧節指揮無額今五十二人

本牢城指揮以待有罪  
配隸之人熙寧二年指

揮廂軍選補他額如牢城元以杖罪到營亦許揀  
選紹興十一年揀汰諸軍中傷老病軍員下本州  
養老充牢城指揮乾道九年閏正月樞密院奏揀  
汰養老將校有補充牢城指揮收養名稱未當遂  
改為寧節指  
揮營東北廂

### 土軍

皇祐勅杭秀溫台明五州界管轄鹽場地分巡檢  
巡茶鹽使臣兵級並差本城兵士一年一替熙寧  
九年臣僚奏巡尉職皆捕盜而縣尉所獲常多巡  
檢常少蓋尉司弓手皆土人耳目諳習巡檢下乃

攢雜客軍又不許差出緝捉欲乞應巡檢下兵級  
依舊額許招置土軍就巡檢廨宇左右置營諸處  
不得抽差遇有盜賊許依弓手例差出緝捉有旨  
令著作郎熊臯往淮南兩浙路相度時浙東巡檢  
一十八處依元額招置兵級將校一千六百三十  
人元豐三年或言諸巡檢下兵級皆雜攢廨禁軍  
或屯駐客軍其間多西北人與本地分不相諳委  
差到年歲稍能辨認道路山川人物又迫替移至



於海道亦不慣習使之相敵終無必勝之理請令  
招置土軍以一半招收新人一半許廂禁軍舊人  
投填庶幾新舊相兼習熟使喚有旨令巡檢下土  
軍盡招置土兵不得輒差團結軍兵赴巡檢下元  
祐二年或言招置土兵歲月既久間多親戚鄰里  
故相遮庇乃勅諸路巡檢下土兵以元額之半輪  
差禁軍半年一替將校節級準此其現今數多處  
候有闕差禁軍填崇寧二年臣寮復言禁軍所至

往往望替期又不諳習彼處道里宜依元豐法一  
槩招土兵以代之八月詔兩浙東路巡檢下人兵  
依舊法招置土兵宣和五年兩浙轉運提刑司相  
度本路巡檢額管軍兵自來如係招置處即依舊  
額招置所有差撥廂禁軍處乞一百人以下全招  
置土兵一百人以上招土兵一半餘一半差撥禁  
軍紹興五年勅兩浙沿江海州縣巡檢下土軍自  
軍興後多是闕額今蕃賊盤泊淮南切要沿江海

州縣土軍緩急使喚可令守貳專意措置招填足  
舊額外更添招二分不得將以前諸軍分撥到人  
兵充數乾道七年勅沿江海州軍諸寨巡檢下土

軍更令增招

九寨額一千七百人今一千三百六十三人

浙東寨額一百二十人今七十七人

鄞

大嵩寨額二百人今一百七十六人

鄞

鳴鶴寨額九十人今七十三人

慈溪

公塘寨額九十人今六十八人

奉化

管界寨額一百二十人今一百一十七人

定海

海內寨額二百四十人今一百五十人

定海

三姑寨額六百三十八人今五百四十人

昌國

岱山寨額一百二十人今一百五人

象山

鮎崎寨額五十人今五十七人

浙東寨額內撥隸寨屬奉化

淳祐六年三月樞密院行下條目一禁兵船出洋虛批  
巡歷一令沿海列寨犄角勦寇一修沿海三十寨戰

艦一修沿海土兵寨屋從制帥集撰顏公頤申請也

寶慶四明志卷七